

G3 Witzwil (CH)

Ando 1894-dikno bers o Witzwiliko birtoko nyugatike Svájcoszte börtönoszke kergye. Le rabenge búti kampja te keren po phúja, taj aszave árki kergye ando mocsárja, aszo páse sztye, aszosztar saj cshorkernahi. Kathar o 1913-dikno bers ole cele romen taj szinten, ako ando Svájco géje, ánde csukinkergye. Ole családen szít kedije, ole mursen Witzwiloszte bicshagye, hogy zorále búti te keren, zsi addig amíg na liginye len ando lágeri lengere családoha ketháne.



1910

1951

1913-25

💡 Dschantschan tumen

... hogy ando 1888-dikno bers o Svájco jek sztya maskar o elsőne európvike országgi, aszo téle kergya po határi anglal o roma taj szinti?

... hogy o Svájco jek sztya maskar o elsőne európvike országgi, aká országosni lista kergye palo „cigánnya“? Adá ando 1911-dikno bers sztya.

✍ Tumari buti

Szo ovla odole manusenca, ako illegálasan lípinen ánde ande tumaro országgi? Próbinen te arakhen pal' adá informácijóvi po neto, vagy aszave szervezetendar, ako le menekültnege ségítinen!

📷 Uso kipo

O rabi andar o witzwiliko börtöno Svájcoszte, aszar po phúja keren búti. Thomas Huonkeriszkeró sajátno ketháne kedibe, Zuricho, Svájco.



<https://www.romasintigenocide.eu/romanes/g>